

濟州梁氏大族譜序

昔在甲寅年間學圃惠康公后裔派譜既成仍有濟梁同譜之論或曰蘇氏族譜不及於親盡而只止於四世過此則塗人也今百世同譜不其浩蔓乎此蓋未達於古今之殊義也舜娶於堯而君子不以為非禮昭公娶於吳而君子以為不知禮以其時之文獻不同不以堯為非禮者六世親屬竭之義殷道也聊以譜不及也以昭公為不知禮者百世婚姻不通之義周道也百世而婚姻不通則百世親親同譜之意亦寓於其中今此譜法之廣亦其非從周之義乎猗我鼻祖肇基瀛州建國設都澤流生民宜其子孫之百世緜綿也后裔之渡海仕羅麗者咸籍濟州而間以封勳有南原錦城之分遍在八域萬派一源千枝

一根而歲遠代久相視如路人泝以上之莫非父子兄弟之親也戊辰辛酉之譜可以有補於尊祖惇宗之道而厥後二百年間世人繼述先業昔之稱宗族者反疑其非族而只知爲同姓如狄青之於梁公郭崇韜之於邠陽而不勝失系之耻可勝歎哉茲乃收甲寅之論而宗議詢同設役之久閱幾星霜而今將告訖曷不休哉顧此大同之際或有予盾而不入者蓋未之深思也安知今日之見漏不爲子孫後日之追悔耶是可嘆惜惟我諸宗以今日同譜之心無致忽忽使百世之親視如高祖之親則此役之成可少有辭於後日也以余有齒之一達而托以弁卷之文不敢以無文辭焉

歲辛未南至月上休后孫奎煥謹序

濟州梁氏大族譜跋

余嘗讀程夫子書曰管攝天下人心收宗族厚風俗莫如明譜
系竊以爲古者四世之譜豈收族厚風俗之謂哉以恩則可也
而以義則恐有所未盡也恩出於情有時而盡義出於理無時而
廢五世而譜不及者以恩之有盡也百世而譜相同者以義之
不廢也義之所在恩亦隨而不盡恩義并行而不悖由高祖之
親而泝以上之至十世二十世以至之於系姓綴食之列昭世
系而勿致忽忘則其於尊祖敦宗之道可謂無遺憾此吾東方
譜法之所以廣也歟惟我梁氏肇自瀛州莫不祖於神人而後
世之自羅至麗子姓益大間以勳封有龍城錦城之分錦則微
而復初寵則蕃而襲舊如水之萬派各擅其流木之千條各遂

其生而世代久遠只緣講譜之稀濶未詳其昭穆世系而但知南梁濟梁爲同本爲同姓而已丙戌之濟南同譜辛酉之濟派合譜其於尊祖悖宗之義雖無遺憾而厥後星霜之變已二百餘歲元派之後出者舊譜之失系者相望遠近各自爲宗未詳其所自出昔日父子兄弟之親相視如路人而不自知豈不慨歎哉此今日之役所由設也嗚呼

此役之善

終有難於前日支離數年告功有日是可幸也但南派以浩繁而初不同謀至於濟派亦有遠不相謀者曷勝嘆惜况復我學圃公後裔或有携二而不入者其爲歎惜尤復如何哉在聲諸宗承父兄之命終始勤勞是可敬也已惟我諸宗之入斯譜者各相惕念以祖宗均是子孫之心爲心而如親見祖宗於今日

則尊祖悖宗之道非但爲一宗之美事亦可爲世教之一助

歲癸酉仲春上浣后孫會洛謹跋

濟州梁氏大族譜跋

惟我梁氏籍有濟州錦城南原之別也始祖七羅國王年代愈遠中間世系不傳各以中祖爲修譜之始濟州祖遊擊將軍諱保崇南原祖兵部郎中諱能讓龍城君諱朱雲錦城則於濟州分派未遠在麗 忠肅王朝有諱棟材封錦城君中世復貫濟州濟南合編凡二度後來各修以貫錦城則同譜屢焉粵在癸丑癸大夫壽南公周煥發議修譜學圃公脚下歧議車不入平北兩派路遠不相聞壽南公序不可謂全譜亦不可謂派譜者寔記實語也宗編以是爲病夏圖全修周爰諮度丁卯夏適有綾

州宗中發文實獲我心於是各派宗議歸一譜廳始設瀟灑園
中移三芝齋時拙舉羸積年難該凡七年而後始克成編嗚呼
祖宗雖遠追慕之誠靡得懈後屬雖踈敦睦之誼不可弛追祖
敦宗實賴係牒此吾東土人士之汲汲於此而彌文生槩視之
文具者亦有之矣雖然吾嘗於稠人中遇梁姓人未詳其昭穆
殆同路人毛裏不屬及至按牒爲某祖之孫則愛好之心油然而
生此豈余一個人而爲然哉凡吾同宗宜莫不然然則是役
也烏可已哉在聲氏主管而實賢勞焉都有司奎煥氏述弁文
昨歲春遽爾遊岱余在任務今於垂竣之日不無傷蠶之心茲
敢述修譜顛末以寘卷後淺拙膚識極涉僭踰我僉宗幸加寬
之

歲癸酉仲秋下澣后孫宗鎬謹書

濟州梁氏大族譜跋

辛未之春余登漢孥謁三姓祠神人之蹟宛如昨日於千萬年

子姓宣其蕃衍嗚乎爲子姓者可不知所本哉遂詳祠址而歸

蓋以舊圖濟州病此之畧也竊惟我梁莫非神人之後而海陸之

未及通譜自昔丙戌已然龍城之分裂自辛酉始錦城不惟還

貫濟州譜未嘗不合往在癸丑各派私譜世之所遠族之所昌勢

則然矣在所敦睦大是欠事門父兄爲是之憂丁卯夏會三芝齋

遂發通焉賦江有汜審宗鎬宗設役昌平事難堪當移役于此

時已巳臘月也庚午春遠近齊會僂欣欣然議雖歸一事巨力

綿莫不畏縮顧此不敏以父兄命終不敢辭遂與在鴻會善或

傾家儲或出債焉以矢竣功造物猜我耶役未半途年大不登

濟州梁氏大族譜跋

人情洵洵此將奈何自是巨役一埤益我磨頂放踵身雖無餘
尊祖敦宗事可有終於是乎憤不顧身陸走寧邊海泛濟州屋
散棋布八域吾宗不嫌漏舊不恨失系若水于海可謂盛矣惟

彼二派

龍城瀛州

今又落落至若吾派二三持貳終未歸一始知圓

美古今難得亦何恨乎余登漢掣既歎厥初之靈異且修斯譜
以望來世之益敦惟願僉宗無謂未完念是艱難請厥孰睦異
日圓美安知權輿於此嗚乎首尾七載事多不測都有司

奎氏煥

中途棄世且余不德至有公冶之厄痛惜何已悔恨曷追但此
幾涉敗事者屢而卒以完役夫孰非祖靈之默佑於冥冥夫孰
非諸有司模承瓘承源彩之各勤其任耶役告訖此不可不述
而存沒之感又如彼故爲敘顛末如右

歲癸酉八月下弦后孫在聲謹跋

濟州梁氏大族重刊序

天地之生久矣蓋自禪通疏佐以來歷歲不知其幾千百人之處乎兩間者又不知其幾千萬而皆以乾坤爲父母四海爲兄弟天地之高截而猶以爲父母兆庶之衆多而猶以爲兄弟者以其同受天地之氣以生也游氣尚然况血氣乎今人之受生於其鼻祖者久則三四十世小不下數十世子孫之自近而遠由親而疎分門割戶散而之東西南北者其後屬無異乎路人而溯以上則父母也兄弟也范文正公曰自祖宗視之均是子孫夫如是則自子孫視之獨不然乎是如木之有枝木之有葉條柯莖葉各遂其生而其本則根也江河溝澮各擅其流而其

發則源也今若反終而原始則吾宗族之派分支析踈遠而只知其爲同姓者亦豈非父母兄弟之所自出乎此我東方世譜之所由作也東瀛梁氏國之望族也其先出於耽羅之七興穴與檀君并立至新羅時有諱洵渡海而北於梁氏爲中祖自此始大歷數千年雲仍猷錦簪組蟬聯渡海者咸籍濟州而間有勳封帶方者仍以爲貫梁氏始有濟南之分矣昔在長陵丙寅諸梁氏謀合譜譜成宗議猶病其踈畧乙亥遂通告國中之族彙成大譜而梁氏之散處八域者乃得同八一編其百世本支一氣流通之肇自父母兄弟者卽書可見而敦宗敘倫親親之誼於是乎無遺憾矣豈不盛哉譜刊旣久後出者未盡載錄今又付諸剗劂而續印焉程子曰厚風俗莫如明譜系蘇明允

曰觀吾譜者孝悌之心油然而生斯譜也其盡之矣余於梁氏
爲彌甥今梁君聖稷甫踵門請弁卷之文義不敢辭畧綴蕪語
以塞其求

壬戌南至月 日外裔資憲大夫刑曹判書

兼實錄 經筵義禁府春秋館事五衛都摠府都摠管呂寧曹
允大謹序

濟州梁氏大族譜重刊序

惟我

正宗大王卽祚之十年丙午 命禮官致祭于濟州三神人祠
仍 宣額曰三姓廟蓋異典也神人首出海島鴻蒙肇闢靈異
之跡傳于今幾千百年賴茲 大聖人崇禮尤足以徵信於天

下後世猗歟盛哉濟之良高夫三姓卽三神人之後也而今梁氏卽良氏之改也其改也不出乎羅麗二代而傳說不一今無得以詳焉蓋聞新羅時來朝高麗時始渡海而北南宋時有入中國爲左部尙書歷至我朝繼有名入顯官蔚然爲吾東聞族世稱濟州梁氏而麗世有以勳封龍城龍城之後遂貫以南原別其譜及我長陵丙寅復合爲一譜題之曰梁氏大族譜或曰濟南梁氏大族譜今又修譜而遵舊例不變役且完梁氏人請不佞弁其首不佞聞而歎曰賢乎哉梁氏之族也凡人之族得姓近則其譜小得姓久則其譜廣廣則思所以分之今梁氏則不然旣分而復合旣廣而不分賢乎哉梁氏之族禮曰尊祖故敬宗敬宗故收族尊祖仁也敬宗禮也收族義也梁氏有

焉宜其爲神人之後也宜其爲吾東闡族也宜其子孫之蕃且
衍也不佞梁氏之彌甥也嘗聞梁氏之德久矣於是乎益信
崇禎紀元後三壬戌十月 日外裔嘉善大夫平安道觀察
使韓山李泰永謹序

濟州梁氏大族譜重刊跋

蓋嘗聞海客談瀛洲瀛洲之山卽漢拏也其上有白鹿潭潭之
水中分爲三東至于別刀北至于州城西至于道頭妄其歸則
皆入于海山水盤紆淑氣磅礴宜其有鍾生神人克昌厥後者
也猗我鼻祖誕湧土官開國建都化洽生民後裔之渡海仕羅
麗者咸貫濟州而或以勲移封於龍城錦城遂分爲三貫然錦
飛則中微而復初龍派則至今猶襲舊往在 長陵之丙寅

焉宜其爲神人之後也宜其爲吾東聞族也宜其子孫之蕃且
衍也不佞梁氏之彌甥也嘗聞梁氏之德久矣於是乎益信

崇禎紀元後三壬戌十月 日外裔嘉善大夫平安道觀察
使韓山李泰永謹序

濟州梁氏古世系

始祖良乙那

七羅國王 王為三神人之長始建國於七羅居
第一都與檀君并立云七羅即今濟州后孫至新

先祖梁洵

羅時入朝賜星主玉子爵改姓良為梁渡海時以
其來泊耽津而朝新羅故又改國號曰耽羅
漢學君 著登壯元科初拜翰林學士才行出羣名
文章日著 聲大振時議皆以典文柄目之本朝文士以外國
人沮之止封君出司直公名信成子書 子探歷
仕羅麗為國著姓自玉至君世代不可攷

梁涉川

受星主王子爵 世襲星主之號自君至玉子時
代不傳

梁元俊

高麗毅宗朝門下侍郎平章事 按麗史名臣錄
公身用章監先州務 仁宗時累遷殿中侍御史
出為尚州副使政尚廉謹吏民稱之毅宗朝拜御
史大夫轉至門下事十年丙子至門下侍郎平章
事明年致仕又明年卒性清儉淳直終始一節不
事產業不通餽謝門巷蕭然嘗與諫官論宦者鄭
誠堅執不變時議重之子文熒清直有父風官至
御史中丞云

譜按屢度舊譜始祖下世代中絕處系以後世恐為
末穩漢羅星主平章三公為單傳世系長行書之而
書以先祖以下為橫架復起雖長橫架承接無別今
譜依舊譜斷自遊擊公諱保崇為始以起一世而別
以古系自成一錄如上方以附傳疑傳信之義

今見錦斌君十一世孫義天所抱舊牒星主公下有

古世系考

後世平章公諱元俊官啣及游擊公以下五世生
卒年官職配位參考麗史昭然可據謹依載錄

濟州梁氏大族譜卷之一

一世 二世 三世 四世 五世

中祖 梁保崇子峻

高麗明宗朝 熙宗二年丙寅

生官至遊擊 檢校禮賓卿

將軍 會議侍中贊

配 夫人完 成事忠烈王

山崔氏門下 二年丙子卒

侍中松文 享年七十一

子淳

高宗四十年 癸丑生元宗

十二年辛未 時年十九登

壯元科直文 翰署三使上

國仕元為左 部尚書銀紫

先祿大夫年 六十三還本

朝忠肅王嘉 之賜名讚明

年卒官至贊 成事

配 夫人彥 陽金氏太尉

孫

子遵

元宗十三年 壬申生忠烈

王二十九年 癸卯文科直

文翰署參文 學士左部承

旨世掌絲綸 名重一代忠

惠王復位三 年壬午卒享

年七十一 配 夫人安

東金氏三重 大匡都僉議

贊成事上洛 公忻女三重

子頌材

初諱 鳳 忠宣王二年

庚戌生忠肅 王復位二年

癸酉文科直 文翰署殿直

司書門下侍 郎中顯大夫

配 夫人平 康蔡氏政堂

學士河中女 三重大匡純

誠輔翼贊化 功臣順天君

中蕃洪哲孫 平章事絨會

子漢忠

見本卷第二 板

子漢賢

見本卷第四 板